

دارالفنون

مضامین فائزہ فی مجموعہ

صافی : ۴

اپریل ۱۳۳۲

سنہ : ۱۰

قسم سیاسی

تاریخ سیاسی مدیترانہ

بوناپارٹک مصر سفرینک اسباب حقیقیہ سی

برنجی ناپولئونک شرقہ تعقیب ایلش اولدینی سیاست، تاریخ عثمانی تدقیقاتندہ غایت مهم، غایت عبرت آمیز بر بحث تشکیل ایدر۔ اساساً بوسیاست، عثمانیلر ایچون سلطان سلیم ثالث ایله ابتدار ایدوب سلطان مصطفای رابع ایله منقطع اولان و سلطان محمود خان ثانی ایله تکرار باشلایان بر تجدد دورینہ مصادف اولدینی کی ناپولئونک دہای فوق العادہ سی و ناظر لرندن طالع یرانک اقتدار و شهرت معلومہ سی حسیلہ دہ ہر وجہلہ تدقیقہ شایاندر۔ بز، بو مقالہ دہ بر چوق قیمتدار آثار تاریخیہ نک زمیننی تشکیل ایدن بو سیاستک برنجی قسمندن یعنی مصر سفرینک اسباب و عواملندن و بوناپارٹک شرق حقندہ کی آماندن بر نبدہ جک بحث ایدہ جکر۔

مقصدمز، شیمدی یہ قدر بالخاصہ مورخین اجنبیہ طرفندن کندی نقطہ نظر لرینہ کورہ و مختلف صورتندہ تدقیق ایدلش اولان بو بحثک درجہ اہمیتی حقندہ نظر دقیق جلب ایتک و مصر سفرینک اسباب حقیقیہ سنی میدانہ قویمقدر۔ جنرال بوناپارٹک شرق حقندہ کی آمالی، ایلک دفعہ اولارق ۱۷۹۶ء ایتالیا سفری اثناسندہ نمایان اولمغہ باشلار۔

« میلان » لا ضبطی متعاقب بوناپارتک جنرال مارمونه : « ایتالیایی ترک ایده رک دها ایلری کیده جکز . شیمدی به قدر هیچ کیمسه بویوله بر فکره مالک اولماشدر . بن مثال کوستره جکم » دیمسی غایت معینداردر . لکن آوستریا ایله عقد ایلش اولدینی « قامپو فورمبو Campo-Formio » معاهده نامه سیله بوآمال بسبتون تظاهرایدر . بومعاهده ائساننده آوستریا لیلر جزا رسیعه بی کنیدلری ایچون طلب ایلدکلری زمان ناپولئون بوطلبه شدتله مخالفت ونمجه لیلری مذاکرانی قطع ایتیمکله تهدید وبو آطه لر ایله برابر آرناوودلقده برده وهزه ، پارغه ، وونجه وپوزیتو ناحیه لرینک فرانسه یه عائدیتنی تأمین ایلش ایدی . بر مدت صوکره ایتالیاده کی نفوذینی تحکیم وتقویه ایدن بوناپارت ، پساریانوده محرملرندن برینه « بویوک ایمپراطور لقلر یالکز شرقده اولابیلور » دیمش و « ۱۷۹۷ » ده پایادن « آقنونا » شهرینی ضبط ایدنجه بوشهرک ما کدونیا یه واستانبوله قریتنی دو ونمکه باشلامش ایدی . بوناپارت ، ونذیک جمهوریتک انقاضه قسماً نائل اولونجه آدملری واسطه سیله روملری قیشقیرتمغه ، آلره اسکی آینه واسپارطه دن بجنه شروع ایلش وبو قوجه مستبد ایتالیانلره یایدینی کی روملرده حریتدن دم اوره رق بونلری دام اغفالنه دوشورمکه توسل ایتیش و یواش یواش یانیه واشقودره والیرلیه ولبنان امراسیله مخابره یه شروع ایلش ایدی .

۱۷۹۷ « آغستوسنده بوناپارت « دیره کتووار » ک مناسبات خارجه سی اداره ایدن طاله برانه یازدینی برمکتوبده : « قورفو ، کفالونیا ، زانطه آطه لری بزم ایچون بوتون ایتالیادن دها قیمتداردر . اکر بونلردن برینی ترجیح ایتک لازم کلسه ایدی ایمپراطوره (آوستریا ایمپراطورینه) ایتالیایی اعاده وآطه لری محافظه ایتک لازم کلردی . » دیبور ایدی . طاله بران ایسه بوناپارتی بوخصوصده تشویق ایله کندیسنه شو یوله جواب ویریور ایدی : « بزم ایچون هیچ برشی آرناوودلقه ، یونانستانه ، ما کدونیا یه الخ آبی بر ادیم آتمقدن دها قیمتدار ودها مهم اولاماز » .

قامپو فورمبو معاهده سی وبوناپارتک آدملرینک اقوال واوضاعی وبالخاصه جزائر یونانیه ایله برده وهزه سواحلنک ضبط وفرانسه یه الحاقیله روملرک جمهوریته تشویق اولونمسی دولت علیه بی دوچار حیرت واندیشه ایلش ایدی . او زمانه قدر فرانسه ده ظهوره کلن اختلال کیر و آتی تعقیب ایدن وقوعات معلومه ، آوروپا دولترینی تلاشه دوشورمش وفرانسه ایله برچوق دول سائر آره سنده حرب وجدال باشلامش ایسه ده دولت علیه اختلالدن اول فرانسه حقدنه تعقیب ایلدیکی سیاست دوستانه بی تغیر ایتامش وبالعکس

جمهورى سائر دولتلردن اول طانيه رقيت مديرانك سفير اولارق استانبوله كوندردىكى جنرال اوپر دوبايي نك تشويقيه حكومت مشارالها ايله (۱۲۱۰) تاريخنده « ميلادى : ۱۷۹۶ » خفي وتدافعى بر معاهده بيله عقد ايتمش عثمانلى اردوسنك تنسيق وتنظيمى خصوصى فرانسز ضابطان ومعلمله حواله ايتلىش ايدى .

حكومت عثمانيه، بوضورتله دول سائر يه قارشى فرانسه نك دوستلغنه و اتفاهنه كوونمكده ايكن جنرال بوناپارتك سياست مذكورهمسى كنديسىنى ايقاظ وتبديل سياسته سوق ايلدى . بوانئاده بوناپارتك « طولون » ليماننده جسيم بردونانما وبويوك براردو تهيه ايلدىكى خبرى باب عالى يه واصل اولدى . ناپولئونك بروجيه بالا قاموفورميو معاهده سيله الده ايتمش اولديغى يرلره نظراً بوتهيانك آرناوودلغك استيلاسى ايچون اولمى احتمالى اك اول وار د خاطر وموجب انديشه اولدى . صوكره لرى بفرانسز غزته سنده دونانمانك مصره تعرضى احتمالى كورلمكه وكلاى دولتك انديشه مى آردى . وفرانسه جمهوريتدن امنيت منسلب اولمغله بر طرفدن بعض تداركاته تشبث وديكر طرفدن منافعى دولت عليه نك منافعى ايله متفق اولان دولتلره صورت محرمانه ده معامله اتحاد كارانه اظهار اولدى . فقط مسئله هنوز توضح ايلدىكى جهته بالطبع فرانسز لر دخی سر رشته ویرلامسى تقرر ايلدى .

اوانئاده سلطان سليم ثالث حضر تلى بر مدت نبرى وجود دولته عارض اولان علت انحطاطك تشخيصنه موفق اولمش و اوستريا و روسيه دولتلر يله عقد اولنان زشتوى و ياش معاهده لرى متعاقب اصلاحات عموميه يه توسل ايتلىش ايدى . حضرت پادشاه معاهدات مذكوره يى انتاج ايدن محارباتده اختيار اولنان فدا كارلقلره رغماً اساسلى بر موفقيت الده ايديله مامسنه سبب عساكر ك انتظامدن محروميتى و دولتك امور اداره وماليه سنك بوزوقلنى اولديغنى كورمش وبونلره چاره ساز اولمق اوزره اصلاحات عسكريه دن باشلايه رقى بعض تدابير ملكيه وماليه يه دخی تشبث ايتمش ايدى . خاقان مشاراليه اصلاحات ايله منافع شخصيه لرى مختل اولان افكار عتيقه اصحابنك ويكيچريلرك ايقاع ايلدكلى انواع مشكلات قارشوسنده بولونيور، لكن بونلرى اقتحام ايتك ايچون علونيات شاهانه سى مرتبه سنده عزم ومثانت ابراز ايده ميوردى . طشره لرك احوالى پك مشوش ايدى : برچوق يرلر بر طاقم دره بگلرينك زير دست تحكملرنده اولديغى كې مصر قطعه سى دخی بر طاقم كوله منلرك دست تفلبنده قالمش ايدى . ايشته بوناپارتك مصر سفرى بويله بر زمانده وقوعه كلدى ومشاراليه « طولون » دن حرکت

ایده رک مالطه آطه سنی بالمحاصره ضبط ایلدکدن صوکره قرق بیک کشیک [*] براردو ایله مصری استیلا ایلدی . شایان قید و تذکار درکه حکومت ینه بوناپارتک تدارکاتندن اندیشه ناک اولمغه باب عالی ده عقد اولنان مجلس وکلاده مصرک وبالخاصه اسکندریه ودمیاطک تحکیمی وجوبی تحقیق ایش ایشده مصرکوله منلری بوتدارکاتدن توحش ایدرلر ملاحظه سیله اول امرده مصره بر مأمور اعزامیله بونلرک حقیقت حالدن آگاه ایدملری وکندی طرفلرندن وقوع بولاجق طلب اوزرینه تدابیر لازمه ناک اجراسنه توسل ایدلمسی تذکر اولمش وبومقصدله مصره بر مأمور مخصوص اعزام قلنمش ایدی . لکن بوناپارتک شدت عزم و سرعت اجرا آتیه قارشی بویولده اتخاذ اولنان تدابیردن بر ثمره حاصل اولامیه جفی طبیعی ایدی . ده باب عالی جانبندن مصره اعزام اولنان مأمور یولده ایکن بوناپارت اسکندریه ساحانه مواصلت ایش ایدی .

شوراسی شایان قید و تذکاردرکه بوناپارتک مالطه یی استیلادن صوکره مصره کله جکفی تخمین ایدن انکلیز لوبیوک بردونانما ایله اسکندریه یه کله رک فرانسز دونانماسی آرامش لر ایشده بولامامشله وهرنه قدر مقصدلری شهرک بوناپارتک تعرضه قارشی مدافعه سی اولدیغنی بیان ایشلر ایشده بوافاداتی بردسیسه یه حمل ایدن اسکندریه اشراقندن کمرکچی سید محمد کریم طرفندن حسن معامله کوره مامشلا ایدی . انکلیزلرک بدلتی تسویه ایده رک صو و ذخیره تدارک ایتک اوزره وقوع بولان تشبثلری دخی فرانسزلرک بوراده ایشلری اولمدیغنی کبی کندیلرینک دخی ایشلرینه کیتملری جوابیله سید محمد کریم واعیان بلده جانبندن رد ایدمش وبونک اوزرینه انکلیز دونانماسی فرانسز لری آرامق اوزره دکره آچیلغه مجبور اولمش ایدی . بوناپارت درت کون صوکره فرانسز دونانماسیله اسکندریه یه کله رک عادتق وجهله بعض بیانات کاذبه ومواعد واهیله کوچک بر طاقم مصادماتی متعاقب شهری تسلیم آلدی . بوقعه، اوزمانلر باب عالیه، اتخاذ تدابیر خصوصنده کوستردیکی رخاوتک بردلیلدر . شبه یوق که اسکندریه اعیان ومأمورینی سرعت ممکنه ایله بر فرانسز تعرضی احتمالندن خبردار ایدمش و آزچوق بعض تدابیره توسل قیلنمش اولسه ایدی، انکلیز دونانماسی دوچار استتقال اوله جق یرده مظهر حسن قبول اولارق اسکندریه پیشگاهنده بولوناجق وفرانسز دونانماسی ونقلیه کمیلری کلدیکنده آنلری تماماً ویا قسماً تخریب ایده رک یادولتی بستیون بوغانلهدن خلاص ایده جک ویا هر حالده فرانسز قوه عسکریه سنی کلی مقدارده [*] بعض مورخینه کوره آلتش بیک کشیک

تفصيص ايده رك بوصورتله مدافعه اميد و چاره لر ينك ترايدينه خادم اولاجق ايدى .
 بوناپارتنك مصرى ضبط واستيلاسه واوراده كى اجرا آتته نقل كلام ايتزدن اول مورخين
 طرفدن يكدىكرندن فرقى اولارق تفسير اولنان اسباب وعواملى برآز تشرىح ايتك
 فائده دن غير خالى كورلمشدر : مصر سفرى منحصرأ بوناپارت طرفدن ترتيب واجرا
 ايدلمشدر . بعض مورخلر بوسفرى فرانسه ده اولوقت حكرمان اولان وناپولئونك شععه
 اقبالنى چكهميه رك كنديسى فرانسه دن اوزاقلاشدير مق ايستيان هيات مديران «Directoire»
 ترتيب ايتمش و بوناپارطه اجرا ايتديرمش اولدينى رآى و مطالعه سنده بولونورلر . ديكركلرى
 ايسه مصر سفرىنك سبب حقيقيسى انكليزلر ايله نفس انكلتره ده و دكزلرده موفقيته
 اوغراشمغه قادر اولاميان هيات مديران و بوناپارتنك مصرى اشغال و هند يولنى كسرك
 اك مدهش خصملىرى بوصورتله تهديد ايتك فكر و مقصدندن عبارت اولدينى درميان
 ايدرلر . كرك بوناپارطك ذكر ايتديكمز افكار و مطالعاتندن كرك بوبابده تدقيقات جديه
 اجرا ايتمش بعض مورخين و مؤلفينك آثارندن و هيات مديرانى تشكيل ايدن ذوات ايله
 بالذات بوناپارطك خاطرات و افاداتندن استدلال اولنان نتيجه ايسه بوناپارطك بوسفرى
 ايكنى مقصده اختيار ايلديكى قضيه سيدر . برنجيسى : - آوروپادن مفارقتله هيات مديرانى
 مشكل بروضعيته برامق و آووقاتلردن مركب اولان و معتلرند ناپولئون كبنده برجنرال
 بولونميان هيات مذكوره نك مغلوبيتدن مغلوبيته دوچار و توجه عامه دن ساقط اولمى
 اوزرينه فرانسه يه كله رك رآس كاره كچمك ؛ ايكنجيسى : - شرقده تأسيس ايتكى
 تصور ايتديكى معظم ايمپراطورلنك ايلك تملنى آتمق ؛ برنجى سبك قبولى ناپولئونك
 مفتون ده ا و عرفانى اولانلرجه بالطبع كوچ كلور ايسه ده بوسبب حقيقت حاله وبالذات
 ناپولئونك اعترافاته مطابق و وقوعات ايله ده مؤيددر . « آنك [بوناپارطك] فرانسه نك
 حاكمى اولمى ايچون هيات مديرانك كنديسنك غيوبى ائناسنده مغلوبيتلره دوچار
 اولمى وعودتيله ظفرك فرانسه بايراكلرينه توجه ايتمى لازم كليور ايدى - [ناپولئونك
 برتران طرفدن يازيلان دفتر خاطراتندن -] « بوسفر بزم ايچون دولت عليه ايله
 حربى انتاج و فرانسه دن اك اى جنراللر مزله اوتوز بيك كزیده عسكر مزك اوزاقلاشمى
 استلزام ايدى چكدر - [مصر سفرى ائناسنده هيات مديرانه داخل اولان لاره وييه رلوپونك
 سوزى] - «
 بوناپارطك، هيات مديرانك مغلوبيتدن مغلوبيته كرفتار اولمى اوزرينه نائى امل اولاجنى

حساب و آکا کوره حرکت ایتمی بالطبع فرانسه به فارشی بر اهانتدر. لکن عن اصل ایتالیان اولان قورسیقه ملی (بوشوپارته) نکه مرتبه فرانسه طویراغنه و وطنه مربوط اولاییله چکی تأمل اولونور و مشارالیهک هر شیدت فوقنده طویدیغی بی حد و پایان آمال حریصانه سی نظر دفته آنور ایسه بوفکر قولاییلقله آکلاشیلیر. « ناپولئون » ده بر واشینگتونک علوی و صاف سیاسی البته بولونه ماز. ناپولئون کی مادر وطنه ارتباطی مشکوک و حرص جاهی اقتدار و دهاسی مرتبه سنده بویوک بر آدمک فرانسه ایچون برفلاکت اولمی پک طبیعی ایدی. ناپولئون، کندیسی قاصوب قاوران آمال حریصانه سی هیچ بر زمان تسکین ایده میهرک فرانسه ایچون ضبط و اداره سی قابل اولامیان بر چوق ممالکی فتح و استیلا ایتمکه هم کندیسی محور و هم ده فرانسه بی دوچار خرابی ایتشد. اکر مشارالیه تشکیلات اداریه و عدلیه و مالیعه [او تشکیلات بعض تعدیلات ایله فرانسه ده الیوم باقیدر] کوستردیکی اقتدار فوق العاده بی هر خصوصه ح ن استعمال و حرص و امله مغلوب اولمقدن نفسی وقایه به موفق اولسه ایدی، هم باشنه کلن فلاکتله مانع و هم ده فرانسه نکه شبهه سز اک بویوک واک محترم حکمداری اولوردی. لکن محاربه ایله، چارپیشمق ایله میدانه چیقمش اولان بوناپارت مادام الحیاه حرب ایتک و چارپیشمق صورتیله موقعی تحکیم و تقویه ایتمکه مجبور اولدیغی فکر و طنته ایدی. هرته ایسه کله لم صده :

ایکنجی سبب کذلک پک واضح و پک قطعیدر. بوناپارت کرک مصر سفرندن مقدم و کرک بوسفری متعاقب باش قونسول و ایمپراطور اولدیغی زمان پک چوق دفعه نر شرقی دوشونمش و شرقده ایمپراطورلق تأسیسی فکرندن صرف نظر ایلیه مامشدر. « ۱۷۹۷ » سنه ندن بری ناپولئون شرقی دوشونمکده و آمال حریصانه سی اوراده تسکین ایتمکی تأمل ایتلکده ایدی. ایتالیا و یونان آطه لرینث ضبط و استیلاسی ائناسنده کی افکارینی بالاده کوردک. بوناپارت اوتاریخده دولت علیه نکه بر زمان قریبده دوچار انقسام اولاجغه قائل اولغله « یا بودولتی محافظه ایتلی و یا آنک ممالکندن حصه منزی آلملی یز » دیور ایدی. ایتالیادن عودتنده فکرینک بو خصوص ایله پک زیاده مشغول اولدیغی بالجمله محرملرینک افاده لرندن آکلاشیلیمقده در.

لوسیهن بوناپارت، مشارالیهک حرص شهرتندن بحث ایدر ایکن قلبنک اسکندر کبیرک اثرینه اقتفا ایتک املیه مشحون اولدیغی یازیور و طاله یران فرانسه حکومتی طرفدن ناپولئونه وسائط لازمه ویرلدیکی تقدیرده آنک شرقده خرسیتیانلرک وبالخاصه

روملرك معاونه بىر حكومت تشكيل ايتمى قابل اولاجنى علاوه ايدىيور و جنرالك مدهنلرندن فونتان، مشارالېك فرانسه بايراغى هم رومايه وهم استانبوله ركز ايده رك بو صورتله شرق و غرب ايمپراطورلغى احيا ايلك فكرينى تعقيب ايلسى شايان تعجب اولاميه جغنى سويلديكى زمان بوناپارت بونى تكذيب ايتيوردى .

بوناپارت، ايتالياده كى موفقيانندن صوكره على العاده بىر جنرال كى حركت ايتك ايسته ميور و نامحدود آمالنه نامحدود بىر زمين تشكيل ايدن شرقه دوغرى نظرينى توجه ايدىيور ايدى . فكرينى طاله يرانه آچدى . و ۱۷۹۷ آغستوسنده مصر سفرى تصويرى وجوده كلدى . هر حالده ناپوليونه شرقده كى آمالنى حيز حصوله ايصال ايجون بىر مقدمه اولمق اوزره مصرى كوسترن طاله يران اولمشدر . فرانسه ايجون آوروپاده توسيع ممالكه امكان كورميان طاله يران مستملكات بولتيقه سى تعقيب ايدىيور و ناپولئونى تشويق و تشجيع ايليور ايدى . بو خصوص، طاله يرانك مخبراتندن غايت واضح بىر صورتده مستبان اولور . ناپولئونك سياست شرقه سندن بحث ايدن بويوك مورخلردن دريو (ناپولئونك شرق سياستى : سليم ثالث و ناپولئون نام اثرنده) ناپولئونك تعقيب ايتديكى طرز سياستك سجاياى عموميه سى حقنده اميل بورژوا [*] و آلبر واندال [**] ايله تماماً هم افكار اولمديغى سويلدكدن صوكره نه ناپولئونك چار آلكسار ايله اتفاقك صميميته ونه ده اوزون مدت موضوع بحث اولان حكومت عثمانيه نك تقسيمى مسئله سنك جديته امين اولمديغى سويليور . و ايمپراطورك سياست شرقه سى كندى بوتون اسرار فكريه سنى احتوا ايتديكنه قانع اولمديغى و ناپولئونك شرق سياستك مبهم و غير واضح قالدېغى علاوه ايليور . ناپولئونك هيچ بىر شئده صميميتى كورلمديكىنى و كنديسنك هر خصوصده بىر قومدياچيدن باشقه برشى اولمديغى بيلنلر البته چار ايله اولان اتفاقده صميميت اولماسى فكرينه اشتراك ايدرلر .

ايكنجى ادعايه كلنجه بو، بر آزدها محتاج تدقيقدر ناپولئونك شرق سياستك مبهم و غير واضح اولديغى طوغريدر . بو مبهميت و عدم وضوح بالخاصه شرق اوزمانكى مشكوك و مشوش حالى نظر دفته آلنور ايسه بك طبعى كوريلور . قطعى بىر سياست امين و صاغلام بىر زمين اوزرنده اجرا ايديلور . شرقده - دولت عليه نك اوزمانكى حالته نظراً - بويله بىر سياست تعقيبنه ناپولئون ايسته مش اولسه بيله مقتدر اوله ماز ايدى . لكن دولت

[°] اميل بورژوا - سياست اجنبه تاريخى

[**] آلبر واندال - ناپوليون و برنجى هلكساندر

عليه نك تقسيمی مسئله سنده ناپولئونك جدی اولديني فكري ظنمه كوره قبول اولونه ماز. ناپولئون و چارك بو تقسيم مسئله سنده يكدیكره اولان مواعد و تكلیفاتی صمیمی اولديني - یوقاریده ذکر ایتدیكمز وجهله - شهیدن عاری ایسه ده بوحال، تعیر عامیانه سیله ایکی جانبازك بر اییده او بیایه مامسندن و هر ایکی حکمدارك یكدیكری آلدانه رق آز و یروب چوق استفاده تأمین ایتك املنده بولمزلندن منبعدر . لکن ناپولئونك دولت علیه نك تقسیم حقنده کی فکری حد داتنده جدی اولديني و آنجق بو خصوصده مصادف اولديني انواع مشکلات و موانع حسابله صورت مبادیه ده بو سیاسی تعقیبه امکان بولامدینی اعتقادنده یز .

شوراسیده سايان قید و تذکاردرکه ناپولئون کبی وسع و اقتدارینک پک چوق فوقنده آمال حریصانه بسلیوب هر طرفه صالدير مقده و عینی زمانده همان بوتون آوروپا ایله اوغراشمقده اولان بر حکمدار ایچون بر نقطه ده منتظم و دواملی بر سیاست تعقیبی بالطبع قابل اولامازدی. شوصورتله بوناپارتی مصر سفرینه سوق ایدن ایکی مهم سبب ایضاح ایدلکدن سوکره سفرک استحضرارت و اجرا آتندن - وقایع حربیه یی بر طرف ایدهرک - سیاسته تعلق ایدن جهته و بالخاصه بوناپارطله طاله ایرانک نه صورتله تشریک مساعی ایتدکلینه نقل کلام ایدلم : فرانسه هیأت مدیرانک آوروپا ایله حال حربده بولنديني بر صرده بوناپارطی مصر سفرینه تشویق ایتک، طاله ایران ایچون - صرف فرانسز نقطه نظرندن دخی - البته بویوک و عفو اولتماز بر خطا ایدی . لکن ذکای خارق العاده سی نسبتنده مزایای اخلاقیه دن محروم اولان بومشهور فرانسز دیپلوماتی، بو خصوصده قطعاً تردد ایتدی. بوناپارت، طاله ایرانک اذن و موافقتیه آمیرال برویسی Brueys شرق دونماسیله مالطیه کوندردی . وانکلیتریه قارشى تدارکات حربیه ایله مشغول اولان فرانسه حکومتک رأى واذنى خلافتنه اولارق آمیرال ۱۷۹۸ شباطنه قدر مالطه اوکنده قالدی . یواش یواش بوناپارط هیأت مدیرانه قارشى ماسکینی یوزندن آتدی. لکن شرق حقنده کی آمال ذاتیه سندن قطعاً بحث ایتدی. انکلیز لرله اک امین بر صورتده حرب ایتک، مصری استیلا ایدرک هند ایله اولان مناسبترینی قطع ایتک صورتیه قابل اولاجفنی سویلیور و سوزینی دیکلتمک موفق اولویوردی. طاله ایران بو خصوصده بوناپارطه معاونت ایتدی . مصرسفری فرانسه انجمن دانشنده دخی موضوع بحث اولویور و بوناپارت ایله طاله ایران، مونتر و برتوله کبی عالم لرله کوروشه رک بوسفره د دنیای تنویر ایدمه جک و فن عالمه بر چوق

خزائن تودیع ایلجه جک « دیو برچوق سوسلر ویریورلردی . مع مافیہ ناپولئون هر کسی بوصورتله اغفاله دوام ایتکله برابر مصر جنرال قونسولوسی اولوب مأذوناً فرانسه ده بولنان ماغاللون Magallon ایله مصرک استیلاسنه متعلق اسکی پروژه لری تدقیق ایدیور و سفری حاضر لاق اوزره « آطه لر دکز قومیسری » عنوانیله شرقه متعلق خطرله ریا زمش اولان Comeyras ی اعزام ایدیور دی . مصرک استیلاسی مسئله سی هیأت مدیرانک نظر تدقیقه عرض اولوتجه طاله یرانک مداخله سی بوناپارتک آرزوسنه موافق اولارق ایشک حله خدمت ایلدی . زیرامشار الیهک افکارینه رغماً مصر سفرنده کی مقصد ، دولت علیه یی پارچه لاق اولدیغی واضح صورتده کورلیور دی . عموم آوروپا ایله حال حربده بولنان فرانسه ایچون یکیدن بردشمن دها وجوده کتیر مکده کی تهلکه پک عیان ایدی . علی الخصوص عثمانیلر اوزمانه قدر دفتاله فرانسه ایله برلکده حرکت ایتمش و آکا معاونت ایلش ایدیلر . لهستانک یکیدن وجوده کتیرلسی موضوع بحث اولدیغی بر صر ده دولت علیه یی تحریبه قیام ایتک طوغری می ایدی ؟ . . . هیأت مدیران بحق بو جهتلری دوشونیور دی . طاله یران اقتدار معلومنی سؤ استعمال ایدرک هیئتک اندیشه لری تسکین ایلدی . بوناپارتک ترکله قارشی دکل ، بلکه ذات شاهانه یه عاصی وانکلیز لره مطیع اولان کوله منلره قارشی حرب ایده جکنی ومصری صاحب مشروعی نامنه ضبط واستیلا ایده جکنی سویلدی . طاله یرانک بو یالانلریغی مصری ضبط ایتدیکی وسوریه یه تعرض وتسلط ایلدیکی زمان بوناپارت دخی دائماً بی محابا سویلوب طور ییور دی . آتیده مندرج وثیقه که - اصلی خارجیه نظارت جلیله سی خزینة اوراقنده محفوظدر - بوناپارتک تزویرانه پک کوزل وپک معیندار بر دلیل تشکیل ایدر :

(ترجمه) یافه قرار کاھی ۱۹ دانتوز ۱۲۱۳ [فرانسه جمهوریتی زماننده سنه نک ۶ نجی آبی]
باش قوماندان جنرال « بوناپارت » دن صیدا والیسی فخرالولات العظام وعمده الوزراء الفخام احمد پاشایه

سزکله حرب ایتک فکر ونیتنده اصلا بولونمادیغی ومقصد یکانه مملوکلری (مالیکی) طرد ایتکدن عبارت بولندیغی مصره دخولدن برو طرفکزه دفتاله بیلدیردم . سزده واقع اولان تکلیف آتمدن هیچ برینه جواب ویرمه دیکز . ابراهیم بکی مصر حدودندن اوزاقلاشدیر مه کز نجی مطلوب وملتزم اولدیغی طرفکزه بیلدیرمشیدم . سز ، بونی یایمق شویله طورسون غزه یه عسکر کوندر دیکز ، جسم انبارلر یاپدیر دیکز . مصره کیره جککزی هر

طرفه نشر و اعلان ايلديكز . وفي الحقيقه خطه مصريه نك آلتى فرسخ (ساعت)
 ايجريسنده بولتان العريش قلعه سنه ايكي بيك عسكر اعزام ايتك صورتيله مقصد استيلا
 كاريكزك اجراسنه ابتدار ايله ديكز . بونك اوزرينه بنده ، آراشدير يور كورونديككز حربى
 بالذات سزكه اجرا ايتك ايجون قاهره دن حركته مجبور اولدم . غزه رمله و يافه سنجاقلىرى
 يدمده در . عسا كر كز دن بكا تسليم اولانلره لطف و مروتله معامله ايتدم . قوانين حربى
 اخلاص ايدنلره قارشى ده شدتلى طاور ائدم . قريبا عكا اوزرينه حركت ايدم . فقط
 طائيدىم بر اختيارك بر قاچ سنه لك بقيه عمرينه خاتمه حكيمكه بنجه سائق نه در ؟ ضميمه
 ممالك ايتديكم بلادك ياننده بر قاچ فرسخلىق يرك نه اهميتى اولور ؟ و مادام كه جناب حق
 بكا نصرت و ظفر احسان بيوردى ، بنده جناب حقه امثالاً يالكز احادناسه قارشى دكل ،
 اكا بر واعيان قارشى دخی رحيم و شفيق اولق ايتدم . مادام كه سز مملوكلكر دشمنى
 ايديكز ، احواله بنم دشمن اولمكز ايجون هيچ ده سبب حقيقى يوقدر . تحت حكيمكز ده
 بولتان اراضى ، مصر دن غزه و رمله سنجاقلىرى و بك واسع چوللرله آيرلشدر بنم دائره محبتمه
 رجوع ايدرو مملوكلرله انكليزلك دشمنى اولور سه كز سزه نه قدر قتاللىق ايتش ودها نه قدر
 قتاللىق ايتكه مقتدر بولمئش ايسم اونستنده ايلكمى كوررسكز . جوابكزى سزك افكار
 و مقاصد كزه واقف اولان و طرفكز دن صلاحيت تامه يي حائر بولتان بر آدمه بكا
 كوندريكز . بو آدم بر بياض بايراقله ايلرى قره قولمده اثبات وجود ايدم . جكدر . مافوف
 امانتامه نك طرفكزه ايصالى اركان حريمه مه امر ايتدم . شهر حالك يكر مى دردنجى كوني
 عكا اوزرينه حركت ايدم . جكم دن يوم مذ كوردن اول جوابكزه دسترس اولمقغم لازمدر .

بوناپارت

بوناپارت طرفدن صقيشديريلان و طاله يران طرفدن بو يولده تأمين اولتان مديران ،
 نهايت سفر ك اجراسنه راضى اولديلر . فرانسه سياسى اوزمانلر بوناپارتك آرزوسنه كوره
 تدوير ايدلمكه باشلامش ايدى . ۱۷۹۸ سنه سى مارت و نيسان طرفنده « انكليز يه قارشى
 اولان اردونك صول جناحى ناميله طولونده بر اردو تشكيل اولوندى . دونانما ۱۹ ماي سده
 حركت ايلدى . لكن طاله يران استانبوله كيتمدى .

بو تفصيلاتك باشليجه ماخذى اولان اميل بورژوانك بالاده ذكرى كچن كتاب
 نقيسنده ديديكى كى ايشك عاقبتى بك كوزل تقدير ايدن قورناز ديپلومات يدى قوله ده

حبس اولمفی هیچ ایسته میوردی . کندیسنک استانبول سفارتنه تعیینی کیزی طوبیلان بو تشبثک میدان چیمه سنی استلزام ایده جکنی بناء علیه تهلکلی اولاجفنی سویلیدی وپارسد قالمی ترجیح ایلدی . یالکز فرانسزدھنیتنک غرابتدن اولارق مصرک استیلاسی ، دولت علیه ایچون فرانسیه اعلان حرب ایتمکه بر سبب مستقل تشکیل ایتز ایش کبی طاله یران یونان اطه لرند بولنان فرانسز مأموریتنه روملرله اولان مناسباتنده احتیاطی داورانه رق ترک کرک حدثی جلب ایتماکی توصیه ایله اکتفا ایلدی .

طاله یران ، هیأت مدیرانک قرارینی مقارن صواب کوسترمک ایچون یونان پارت مصرده یرلشور ایسه عثمانلی و فرانسز دوناتالری برلشهرک قریمی حکومت عثمانیه حسابنه استرداد ایده جکلرنندن بحث ایدیوردی . حالبوکه فرانسه نک منافع حقیقیه سنه مخالف و یالکز یونان پارتک آمال حریر صانه سنه موافق اولان بوم ی بالطبع طاله یرانک تصوراتنه دینه منر ایسه ده . ذکاسی بوکا مانع ایدی . تقولاتنه مو فوق بر نتیجه حاصل ایتدی . یونان پارتک مصری استیلاسی اوزرینه دولت علیه ایله آوروپا دولتلری آده سنده جریان ایدن مذاکرات سیاسی و اعلان حرب وعقد اولنان اتفاقلر و مصرک استخلاصنه دائر جریان ایدن وقایع ایکنجی مقاله ده تدقیق اولنه جقدر .

حقوق فاکولته سی دو قنورا قسم سیاسی

تاریخ سیاسی عمومی و عثمانی معلی

رئاد حکمت